

七經同卷

佛說苾芻五法經

佛說苾芻迦尸迦十法經

諸佛心印陀羅尼經

大乘寶月童子問法經

別九

佛說蓮華眼陀羅尼經

佛說觀想佛母般若波羅蜜多菩薩經

佛說如意摩尼陀羅尼經

則九

佛說苾芻五法經

宋西天三藏朝散大夫試鴻臚少卿傳教大師梁奉詔譯

如來應正等覺在舍衛國爲彼未來觀察而住是時無量諸天及人知佛世尊是人天師恭信供養尊重讚歎利樂名稱而得最上各奉名衣妙饌卧具湯藥爾時世尊以利樂故咸皆受用而無染著如蓮在水但令人天諸有情衆獲勝福果得妙莊嚴爲彼人天而降甘露使彼人天久久依住復令無量俱胝那由他百千有情獲得甘露乃至令度生

老病死輪迴苦難乃至令脫地獄大險難故
使得安樂寂靜平正無怖無畏獲得涅槃又
復不離摩伽陀國罽羅曼隸國迦尸國憍薩
羅國俱嚕半左羅國等罽嗟王麼蹉王戍羅
細那王尸尾王那舍囉拏罽王是諸王等見
已以佛智力彼皆降伏又復能於天經行處
行梵經行處行聖經行處行空經行處行寂
靜經行處行佛佛經行處行師師經行處行
能知者經行處行正徧知經行處行得心開
解得最上波羅蜜多世尊復次一切所有經

行處彼所求經行悉能經行爾時世尊告苾
芻衆言有五種法當住具足當來苾芻常行
何等五法此苾芻不知阿鉢帝不知非阿鉢
帝不知輕阿鉢帝不知重阿鉢帝是新戒是
減五年苾芻此五種法具足者此苾芻不合
住勸事苾芻五種法具足知者是苾芻合住
勸事何等五法此苾芻知苾芻阿鉢帝知非
阿鉢帝知輕阿鉢帝知重阿鉢帝得滿五年
得餘五年苾芻此五種法具足者得住勸事
苾芻復有五法具足者是苾芻不得離依止

別九

三

住何等五法此苾芻不知波羅提木又不知
說波羅提木又不知結界不知結界事是新
戒是減五年此苾芻具此五種法不得離依
止住苾芻此五法具足者是苾芻得離依止
住何等五法此苾芻知苾芻波羅提木又知
說波羅提木又知結界知結界事是滿五年
是五年餘如是苾芻此五法具足者得離依
止住苾芻別有五法具足者是苾芻不得離
依止住何等五法此苾芻不知寶沙他不知
寶沙他事業不知結界不知結界事業是新

戒是減五年苾芻此五種法具足者不得離
依止住苾芻此五法具足者是苾芻得離依
止住何等五法此苾芻知苾芻寶沙他知寶
沙他事業知結界知結界事業是滿五年是
餘五年苾芻具足此五法者得離依止住復
次苾芻有五正念則九云何爲五正念三謂行報應
命終不爲財利念出世苾芻此爲五正念復
次苾芻別有五依止正念何等爲五謂飲食
禮事不過師界師同住五年分明此是五依
止正念苾芻此五依止正念報應等當知阿

鉢帝知何等阿鉢帝當知五阿鉢帝何等爲
五謂波羅夷僧伽婆尸沙波逸提戒當知各
四種說五知阿鉢帝如是知阿鉢帝復次知
非阿鉢帝云何知非阿鉢帝相常行非阿鉢
帝如是知非阿鉢帝復次知輕阿鉢帝云何
知輕阿鉢帝謂行深怖輕阿鉢帝云何行謂
行四波羅夷法輕阿鉢帝行十三僧伽婆尸
沙法輕阿鉢帝行三十捨墮波逸提法輕阿
鉢帝行九十二波逸提法輕阿鉢帝行九十
二波逸提法清淨各四說輕阿鉢帝其餘五

十戒法輕阿鉢帝如是所行得輕阿鉢帝如
是知輕阿鉢帝次知重阿鉢帝云何知重阿
鉢帝所行之行得重阿鉢帝其餘行五十戒
法重阿鉢帝各四說九十二波逸提法重阿
鉢帝所行清淨九十二波逸提法清淨三十
捨墮波逸提法重阿鉢帝所行清淨三十捨
墮波逸提法清淨十三僧伽婆尸沙法重阿
鉢帝所行清淨十三僧伽婆尸沙法清淨四
波羅夷法重阿鉢帝如是所行之行得重阿
鉢帝如是知重阿鉢帝是五年是滿五年是

五年餘如是得信依止復次知波羅提木又云何知波羅提木又此是波羅提木又思惟見前行住坐卧過去現在身口意等觀察妙行如是知波羅提木又次知說波羅提木又云何知說波羅提木又有七波羅提木又何等爲七當云何說說四波羅夷法餘所聞當說此第一說波羅提木又次說四波羅夷法十三僧伽婆尸沙法餘所聞當說此第二說波羅提木又次說四波羅夷法十三僧伽婆尸沙法三十捨墮波逸提法餘所聞當說此

第三說波羅提木又次說四波羅夷法十三僧伽婆尸沙法三十捨墮波逸提法九十二波逸提法清淨餘所聞當說此第四說波羅提木又次說四波羅夷法十三僧伽婆尸沙法三十捨墮波逸提法九十二波逸提法清淨各四法解說其餘所聞當說此第五說波羅提木又次說四波羅夷法十三僧伽婆尸沙法三十捨墮波逸提法九十二波逸提法等清淨各四說五十戒法餘所聞當說此第六說波羅提木又次一一廣說此是第七說

波羅提木又如如是說波羅提木又如如是知說
波羅提木又如知結界云何知結界謂今衆十
四日十五日結界如是知結界次知結界事
云何知結界事一受持二請名三請四請五
衆結界如是知結界事是五年是滿五年是
五年餘如是知得念依止次知寶沙他云何
知寶沙他今衆十四日十五日寶沙他如是
知寶沙他次知寶沙他事云何知寶沙他事
一受持二請名三請四請五衆寶沙他如是
知寶沙他次知結界云何知結界謂五種五

種集結界如是知結界事云何知結界事捨
墮不得結界當低小座飲食當辦食飲已所
作應作如是知結界事是五年是滿五年是
餘五年如是得念依止又行道云何行道謂
阿闍黎行道自行道如是是念依止次分別
行道云何分別知阿闍黎說戒知自諒戒如
是得念依止又分別過時云何過時謂阿闍
黎過時自過時如是得念依止如是過時不
爲財利云何不爲財利謂彼僧伽藍住阿闍
黎不爲財利如是得念依止如是不爲利養

半月行云何半月行謂阿闍黎半月半月同懺悔如是得念依止如是半月行無阿鉢帝云何無阿鉢帝謂阿闍黎令去某甲處受依止如是得念依止又言行云何言行謂依阿闍黎言不用汝依止行如是得念依止如是依行不犯師界云何不犯師界謂不犯師聚落界如是得念依止如是不犯師聚落界同師懺悔云何同師懺悔謂半月半月同師懺悔如是得念依止如是同師懺悔五年分明得念依止苾芻當具足此五種法此苾芻法

當依行彼法無阿鉢帝彼所有戒法當日得訥瑟訖哩合二多爾時世尊說是五種法已諸苾芻衆及諸人天瞻奉旋繞作禮而退

佛說苾芻五法經

則九

佛說苾芻迦尸迦十法經

宋西天三藏朝散大夫試鴻臚少卿傳教大師法天奉詔譯

如來應正等覺在舍衛國與諸苾芻衆俱定時如來廣爲時會人天及彼未來而說師範爾時如來告苾芻衆言苾芻當具足十種法